



Հաստատված է
«ՀԱՅԷԿՈՆՈՄԲԱՆԿ» ԲԲԸ Խորհրդի թիվ 28/03-19.07.2019թ. որոշմամբ

Ուժի մեջ է մտնում 29.07.2019թ.

Խորհրդի նախագահ

----- Ս. Սուքիասյան

ԿԱՐԳ

«ՀԱՅԷԿՈՆՈՄԲԱՆԿ» ԲԲԸ ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ

ԵՐԵՎԱՆ 2019

ՓԱՍՏԱԹՂԹԻ ՓՈՓՈԽՈՒԹՅՈՒՆՆԵՐԻ ՊԱՏՄՈՒԹՅՈՒՆ			
Հ/Հ	Որոշման/Հրամանի ամսաթիվ	Որոշման/Հրամանի համար	Փաստաթղթի նույնականացուցիչը
1	22.09.2014թ.	34/02-22.09.2014թ.	R/K/0/105/22.09.2014/1
2	28.08.2015թ.	27/14-28.08.2015թ.	R/K/0/105/28.08.2015/2
3	30.08.2016թ.	40/13-30.08.2016թ.	R/K/0/105/30.08.2016/3
4	30.06.2017թ.	33/04-30.06.2017թ.	R/K/0/105/30.06.2017/4
5	17.07.2017թ.	37/10-17.07.2017թ.	R/K/0/105/17.07.2017/5
6	19.07.2018թ.	28/10-19.07.2018թ.	R/K/0/105/19.07.2018/6
7	19.07.2019թ.	28/03-19.07.2019թ.	R/K/0/105/19.07.2019/7

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 Սույնով սահմանվում է «ՀԱՅԷԿՈՆՈՄԲԱՆԿ» ԲԲԸ-ում (այսուհետ՝ Բանկ) շահութաբաժինների հաշվարկման և վճարման կարգը (այսուհետ՝ Կարգ):
- 1.2 Սույն Կարգը մշակված է համաձայն ՀՀ գործող օրենսդրության և Բանկի ներքին իրավական ակտերի պահանջների:
- 1.3 Սույն կարգի իմաստով.
 - 1.3.1 **անձր հաստատող փաստաթուղթ՝**
 - 1.3.1.1 ՀՀ քաղաքացիների համար անձնագիր, նույնականացման քարտ, զինվորական գրքույկ՝ ժամկետային պարտադիր զինվորական ծառայության մեջ գտնվող անձանց համար, վերադարձի վկայական՝ միայն ՀՀ վերադառնալու համար, ՀՀ կառավարությանն առընթեր ՀՀ ոստիկանության կողմից ժամանակավորապես տրվող՝ անձր (ինքնությունը) հաստատող փաստաթուղթ կամ ժամանակավոր վկայական, մինչև 16 տարեկան երեխաների համար՝ անձնագիր, ծննդյան վկայական,
 - 1.3.1.2 ապաստան հայցողի համար՝ ապաստան հայցողի անձր հաստատող վկայական, փախստական ճանաչված, ինչպես նաև քաղաքական ապաստանի իրավունք ստացած անձանց համար՝ կոնվենցիոն ճամփորդական փաստաթուղթ,
 - 1.3.1.3 օտարերկրյա քաղաքացիների համար՝ օտարերկրյա պետության կամ միջազգային կազմակերպության կողմից տրված անձնագիր կամ ճամփորդական փաստաթուղթ (միջազգայնորեն ճանաչված), ինչպես նաև ՀՀ-ում օրինական բնակությունը հավաստող փաստաթղթեր՝ մշտական կացության քարտ, ժամանակավոր կացության քարտ, ՀՀ հատուկ անձնագիր,
 - 1.3.1.4 քաղաքացիություն չունեցող անձանց համար՝ օտարերկրյա պետության կողմից տրված ճամփորդական փաստաթուղթ, ՀՀ-ում մշտապես բնակվող քաղաքացիություն չունեցող անձի կացության վկայական, ՀՀ-ում օրինական բնակությունը հավաստող փաստաթղթեր՝ մշտական կացության քարտ, ժամանակավոր կացության քարտ, ՀՀ հատուկ անձնագիր,
 - 1.3.1.5 ժամանակավոր պաշտպանություն ստացած փախստականի համար՝ ժամանակավոր պաշտպանված անձի անձր հաստատող փաստաթուղթ (ժամանակավոր ապաստանի վկայական):
 - 1.3.2 **Հաշվետեր բաժնետեր**՝ Բանկում հաշիվ (այդ թվում քարտային) ունեցող բաժնետեր, որը Բանկ է ներկայացրել շահութաբաժինները հաշվին հաշվեգրելու միջոցով ստանալու դիմում-հանձնարարական՝ ուղղված Հաճախորդների սպասարկման կենտրոնական գրասենյակի (այսուհետ՝ ՀՄԿԳ) պետին/մասնաճյուղի կառավարչին:
 - 1.3.3 **Ոչ հաշվետեր բաժնետեր**՝ սույն կարգի 1.3.2 կետում չնշված մնացած բաժնետերերը:
- 1.4 Բանկը տարեկան շահութաբաժիններ է վճարում Բանկի գործունեության տարեկան արդյունքներով, ընդ որում.
 - 1.4.1 Արտոնյալ բաժնետոմսերի սեփականատեր հանդիսացող բաժնետերերին կարող են վճարվել եռամսյակային վճարներ (շահութաբաժիններ):

- 1.5 Տարեկան շահութաբաժինների վճարման չափը, կարգը և ժամկետները սահմանվում են տարեկան ժողովի որոշմամբ՝ Բանկի Խորհրդի ներկայացմամբ:
- 1.6 Տարեկան շահութաբաժիններ ստանալու իրավունք ունեն տվյալ տարվա տարեկան ընդհանուր ժողովի մասնակիցների ցուցակում ընդգրկված Բանկի բաժնետերերը՝ Բանկի գլխավոր գրասենյակից և մասնաճյուղերից (համաձայն հաշվառման):
- 1.7 Տարեկան շահութաբաժիններ ստանալու իրավունք ունեցողների ընդհանուր ցուցակը հաստատվում է Խորհրդի կողմից՝ տարեկան ժողովի կայացման օրը հրավիրված նիստի ընթացքում:
- 1.8 Բանկի Խորհրդի հաստատած ընդհանուր ցուցակի ներքո ռեեստրի ծրագրից կազմված ցուցակները (ըստ մասնաճյուղերի և գլխավոր գրասենյակի) հաստատվում են Գործադիր տնօրենի կողմից և տրամադրվում համաձայն սույն Կարգի:
- 1.9 Տարեկան շահութաբաժինները վճարվում են Բանկի գուտ (կուտակված) շահույթից:
- 1.10 Բանկի շահութաբաժինների հաշվարկման, անհրաժեշտ ցուցակների կազմման, մասնաճյուղեր և ՀՄԿ տրամադրման գործընթացը ապահովվում է Բանկի ռեեստրի վարման համար պատասխանատու ստորաբաժանման՝ ՀՄԿ Վարկ-ավանդային բաժնի կողմից, Բանկի «STOCKS» ծրագրի միջոցով (այսուհետ՝ ռեեստրի ծրագիր):
- 1.11 ՀՄԿ Վարկ-ավանդային բաժնի աշխատակցի կողմից, մինչև ռեեստրի ծրագրի տվյալների հիման վրա Բանկի ընդհանուր ժողովին մասնակցելու իրավունք ունեցող մասնակիցների ցուցակի կազմումը, ստուգվում է ժողովին մասնակցելու իրավունք ունեցող բաժնետերերի ցուցակի կազմման ամսաթվի դրությամբ ռեեստրի ծրագրի տվյալների համապատասխանությունը հաշվի օպերատորից ստացված տեղեկանքի տվյալներին՝ անհրաժեշտության դեպքում ռեեստրի ծրագրում կատարելով համապատասխան ճշգրտումներ:
- 1.12 ՀՄԿ Վարկ-ավանդային բաժնի աշխատակիցը, մինչև սույն կարգի 2.1 կետում նշված ցուցակների ձևավորումը, բաժնետերերից ստացված՝ սույն կարգի 1.3.2 կետում նշված դիմում-հանձնարարականների (մակագրված ոլորտը համակարգող գործադիր տնօրենի տեղակալի կողմից) հիման վրա, ռեեստրի ծրագիր է մուտքագրում բաժնետերերի համապատասխան հաշվի համարները:

2. ԾԱՀՈՒԹԱԲԱԺԻՆՆԵՐԻ ՀԱՇՎԱՐԿՄԱՆ ԿԱՐԳԸ

- 2.1 Բաժնետերերի ռեեստրի ծրագրից, Խորհրդի հաստատած ընդհանուր ցուցակի ներքո կազմվում են տարեկան շահութաբաժինների վճարման հետևյալ ցուցակները.
 - 2.1.1 Տարեկան ժողովի կայացման օրը՝
 - 2.1.1.1 ըստ ՀՀ քաղաքացի և օտարերկրյա բաժնետերերի, նշելով բաժնետերերի անվանումները, բաժնետոմսերի քանակը և շահութաբաժնի չափը:
 - 2.1.2 Տարեկան ժողովի ավարտից տասնօրյա ժամկետում՝
 - 2.1.2.1 ըստ մասնաճյուղերի (գլխավոր գրասենյակում՝ ՀՄԿ-ի) ամփոփ և դասակարգված սույն կարգի 1.3.2-1.3.3 կետերի համաձայն՝ հաշվետեր և ոչ հաշվետեր բաժնետերերի կտրվածքով, որտեղ, մեկ թվով, նշվում է հաշվարկված շահութաբաժնի չափը և բաժնետոմսերի քանակը:

2.1.2.2 ըստ մասնաճյուղերի (գլխավոր գրասենյակում՝ ՀՄԿԳ-ի) կտրվածքով, դասակարգված սույն կարգի 1.3.2-1.3.3 կետերի համաձայն՝ ըստ հաշվետեր և ոչ հաշվետեր բաժնետերերի, որտեղ նշվում է.

2.1.2.2.1 հաշվետեր բաժնետերերի ցուցակների դեպքում՝ բաժնետիրոջ անվանումը, հասցեն, անձը հաստատող փաստաթղթի/պետ. ռեգիստրի վկայականի տվյալները, հաշվի համարը, որին հաշվեգրվելու է շահութաբաժնի գումարը, բաժնետոմսերի քանակը, շահութաբաժնի չափը, շահութաբաժնի վճարման ամսաթիվը:

2.1.2.2.2 ոչ հաշվետեր բաժնետերերի ցուցակների դեպքում՝ բաժնետիրոջ անվանումը, հասցեն, անձը հաստատող փաստաթղթի/պետ. ռեգիստրի վկայականի տվյալները, բաժնետոմսերի քանակը, շահութաբաժնի չափը, բաժնետիրոջ ստորագրությունը, շահութաբաժնի վճարման ամսաթիվը:

2.2 Սույն Կարգի 2.1.1.1 կետում նշված ցուցակների թղթային տարբերակները տարեկան ժողովի կայացման օրը, իսկ սույն կարգի 2.1.2.1-2.1.2.2 կետերում նշված ցուցակների թղթային տարբերակները՝ տարեկան ժողովի ավարտից տասնհինգօրյա ժամկետում, ՀՄԿԳ զեկուցագրով ներկայացվում են Բանկի Գործադիր տնօրենի և Գլխավոր հաշվապահի ստորագրմանը և կնքմանը, որից հետո.

2.2.1 սույն Կարգի 2.1.1.1 և 2.1.2.1 կետերում նշված ցուցակները տրվում և պահպանվում են Բանկի Հաշվապահական հաշվառման վարչության (այսուհետ՝ Հաշվապահություն) համապատասխան ստորաբաժանումում՝ հիմք հանդիսանալով հարկային հաշվառում իրականացնելու և անհրաժեշտ հաշվապահական ձևակերպումների համար:

2.2.2 սույն Կարգի 2.1.2.2 կետում նշված հաշվետեր բաժնետերերի ցուցակները Բանկի ՀՄԿԳ Վարկ-ավանդային բաժնի կողմից թղթային տեսքով ուղարկվում են ՀՄԿԳ Հաճախորդների սպասարկման բաժնին:

2.2.3 սույն Կարգի 2.1.2.2 կետում նշված ոչ հաշվետեր բաժնետերերի ցուցակները Բանկի ՀՄԿԳ Վարկ-ավանդային բաժնի կողմից թղթային տեսքով ուղարկվում են Բանկի ՀՄԿԳ Հաճախորդների սպասարկման բաժնին և մասնաճյուղերին:

3. ՎՃԱՐՄԱՆ ԿԱՐԳԸ

3.1 Սույն Կարգի 2.1.2.2 կետի հաստատված ցուցակների հիման վրա, տարեկան ժողովի կողմից հաստատված շահութաբաժնի վճարմանը նախորդող աշխատանքային օրվա դրությամբ, Հաշվապահությունը, Բանկի գուտ շահույթից շահութաբաժինների գումարը մեկ թվով փոխանցում է «Վճարման ենթակա շահութաբաժիններ» հաշվին ըստ մասնաճյուղերի (ՀՄԿԳ-ի դեպքում՝ առանձին ըստ հաշվետեր և ոչ հաշվետեր բաժնետերերի):

3.2 Մասնաճյուղերը/գլխավոր գրասենյակում՝ ՀՄԿԳ-ն/ տարեկան ժողովի կողմից հաստատված շահութաբաժնի վճարման օրվանից իրականացնում են շահութաբաժինների վճարումը /ըստ սույն Կարգի 2.2.3 կետի/ ստացված ցուցակների:

- 3.3 ՀՄԿԳ Հաճախորդների սպասարկման բաժնի աշխատակիցը սույն Կարգի 2.1.2.2 կետում նշված ցուցակների հիման վրա, հաշվեգրում (փոխանցում) է Բանկի հաշվետեր բաժնետերերի շահութաբաժինները վերջիններիս՝ ցուցակում նշված հաշիվներին:
- 3.4 Ոչ հաշվետեր բաժնետերերը, սահմանված կարգով, շահութաբաժինները ստանալու համար, ներկայացնում են.
 - 3.4.1 Ֆիզիկական անձի դեպքում՝ անձը հաստատող փաստաթուղթ կամ օրենքով սահմանված նոտարի վավերացմամբ տրված լիազորագրով կամ ժառանգումը հիմնավորող փաստաթղթերով (նոտարական, կտակով և այլն), ընդ որում.
 - 3.4.1.1 մինչև տասնչորս տարեկան անչափահասի անվամբ հաշվառվող բաժնետոմսերի դիմաց շահութաբաժինները կարող են վճարվել անչափահասի օրինական ներկայացուցիչներին՝ ծնողներին, որդեգրողներին կամ խնամակալին՝ նրանց անձը հաստատող փաստաթղթով: Այն դեպքում, երբ մինչև տասնչորս տարեկան անչափահասի բաժնետոմսերի շահութաբաժինները ցանկանում է ստանալ ծնողներից որևէ մեկը, ապա վերջինս պետք է ներկայացնի նաև մյուս ծնողի կողմից իրեն տրված գրավոր լիազորագիրը (նոտարի հաստատումով կամ Բանկում՝ լիազորագրերի տրման համար սահմանված կարգով տրված):
 - 3.4.1.2 տասնչորսից մինչև տասնութ տարեկան անչափահասների անվամբ հաշվառվող բաժնետոմսերի դիմաց շահութաբաժինները կարող են վճարվել այդ անչափահասին՝ նրա անձը հաստատող փաստաթղթով (մինչև տասնվեց տարեկանի համար ծննդյան վկայական և անձնագիր կամ նույնականացման քարտ, իսկ տասնվեց տարեկանը լրացած անչափահասի համար անձնագիր կամ նույնականացման քարտ), անձը հաստատող փաստաթուղթ չունենալու դեպքում՝ նույնականացումը պետք է կատարվի ծնողներից մեկի հավաստող ստորագրությամբ: Տասնչորսից մինչև տասնութ տարեկան անչափահասի բաժնետոմսերի շահութաբաժինները միանձնյա ստացող ծնողը պետք է ներկայացնի այդ անչափահասի կողմից ծնողներից երկուսի համաձայնությամբ տրված լիազորագիրը (նոտարի հաստատումով կամ Բանկում՝ լիազորագրերի տրման համար սահմանված կարգով տրված):
 - 3.4.2 իրավաբանական անձի դեպքում՝ պետ. ռեզիստրի գրանցման վկայականի պատճենը կամ միասնական պետական գրանցամատյանից տրված քաղվածքը (տվյալ փաստաթղթերը կարող են չպահանջվել, եթե Բանկը սահմանված կարգով ստացել է տվյալ տեղեկատվությունը էլեկտրոնային տարբերակով), գրավոր հանձնարարական շահութաբաժինը հաշվին փոխանցելու վերաբերյալ, ստորագրված և կնքված (առկայության դեպքում) իրավասու մարմնի կողմից: Իրավահաջորդության դեպքում ներկայացվում են օրենքով պահանջվող բոլոր հիմնավորող փաստաթղթերը (պատճենները կցվում են ցուցակներին):
- 3.5 Ոչ ռեզիդենտ (ոչ հաշվետեր հանդիսացող) բաժնետերերը տնօրինում են իրենց շահութաբաժինը համապատասխան գրավոր տրված հանձնարարականով:

4. ԱՅԼ ԴՐՈՒՅԹՆԵՐ

- 5.1 Շահութաբաժինների չվճարված գումարները պահպանվում են մասնաձյուղերի (ՀՄԿԳ-ի) «Վճարման ենթակա շահութաբաժիններ» հաշիվներում, մինչև բաժնետիրոջ ներկայանալը:
- 5.2 Շահութաբաժինների ստորագրված ցուցակների բնօրինակները, կից հիմնավորող փաստաթղթերով պահպանվում են մասնաձյուղում (ՀՄԿԳ-ում):